

საგანმანათლებლო პროგრამებზე სტუდენტის /პროფესიული სტუდენტის ჩარიცხვა.

ადმინისტრაციული და აკადემიური რეგისტრაცია.

1. პირველადი ადმინისტრაციული რეგისტრაცია

1. **საბაკალავრო საგანმანათლებლო პროგრამა.** საბაკალავრო საგანმანათლებლო პროგრამაზე (შემდგომში - საბაკალავრო პროგრამა) სწავლის უფლება აქვს მხოლოდ სრული ზოგადი განათლების დამადასტურებელი დოკუმენტის მფლობელს ან მასთან გათანაბრებულ პირს. საბაკალავრო პროგრამაზე ჩარიცხვა ხდება ერთიანი ეროვნული გამოცდების შედეგების (რანჟირების დოკუმენტის) საფუძველზე, გარდა უმაღლესი განათლების შესახებ საქართველოს კანონით განსაზღვრული შემთხვევებისა (ერთიანი ეროვნული გამოცდების გარეშე ჩარიცხვა ხდება კანონმდებლობით განსაზღვრულ შემთხვევებში დადგენილი წესის შესაბამისად). ერთიანი ეროვნული გამოცდების საბოლოო შედეგების (რანჟირების დოკუმენტის) გამოქვეყნების შემდეგ ბნსუ-ში შესაბამისი აქტით განსაზღვრულ ვადებში ტარდება პირველადი ადმინისტრაციული რეგისტრაცია, რომლის ხანგრძლივობა არ შეიძლება იყოს ბნსუ-ს ვებგვერდზე აბიტურიენტთა რეგისტრაციის თაობაზე ინფორმაციის გამოქვეყნებიდან 10 კალენდარულ დღეზე ნაკლები (სამუშაო დღეები: ორშაბათი-პარასკევი/შაბათი, 9⁰⁰ სთ-დან 18⁰⁰ სთ-მდე). რეგისტრაციის ვადაში აბიტურიენტი, რომელმაც მოიპოვა ბნსუ-ს საბაკალავრო პროგრამაზე სწავლის უფლება, ვალდებულია მიმართოს ბნსუ-ს ჩარიცხვის თაობაზე და გაიაროს პირველადი ადმინისტრაციული რეგისტრაცია, რაც გულისხმობს სარეგისტრაციო განაცხადის შევსებას, სავალდებულო დოკუმენტების, ბნსუ-ს მიერ დადგენილი ოდენობით სწავლის საფასურის (სრული თვითდაფინანსებით სწავლის შემთხვევაში) ან ბნსუ-ს მიერ დადგენილ სწავლის საფასურსა და დოკუმენტურად დადასტურებულ დაფინანსებას შორის არსებული სხვაობის (ნაწილობრივი თვითდაფინანსებით სწავლის შემთხვევაში) გადახდის დამადასტურებელი დოკუმენტის წარმოდგენას. ჩარიცხვა შესაძლებელია მხოლოდ კანონმდებლობით დადგენილი წესით აღიარებული სრული ზოგადი განათლების დამადასტურებელი დოკუმენტის (ატესტატის) და სამხედრო აღრიცხვას დაქვემდებარებული პირის მიერ სამხედრო აღრიცხვაზე ყოფნის დამადასტურებელი დოკუმენტის წარდგენის შემდეგ. სავალდებულოდ წარსადგენი დოკუმენტებია:

- სარეგისტრაციო განაცხადება (შეივსება საბუთების ჩაბარების დროს);
- პირადობის დამადასტურებელი დოკუმენტის (პირადობის მოწმობის/ID ბარათის) დედანი და ასლი (უცხო ქვეყნის მოქალაქე - პასპორტის/პირადობის მოწმობის ასლი და სანოტარო წესით დამოწმებული თარგმანის დედანი);
- 4 ფოტოსურათი 3x4 და ელ. ვერსია (CD/DVD დისკზე);
- სამხედრო აღრიცხვას დაქვემდებარებულმა პირებმა, საქართველოს მოქალაქეებმა - სამხედრო აღრიცხვაზე ყოფნის დამადასტურებელი დოკუმენტი (დედანი და ასლი);
- სრული ზოგადი განათლების დამადასტურებელი დოკუმენტი (დედანი/სანოტარო წესით დამოწმებული ასლი);
- სხვა ქვეყნის საგანმანათლებლო დაწესებულებაში განათლების მიღების შემთხვევაში - განათლების დამადასტურებელი დოკუმენტის სანოტარო წესით დამოწმებული ქართულენოვანი თარგმანი და განათლების აღიარების დოკუმენტი (დედანი/სანოტარო წესით დამოწმებული ასლები);
- საზღვაო დარგის საბაკალავრო პროგრამის შემთხვევაში - სამედიცინო შემოწმების ფორმა # IV-100/ა (დედანი);
- სწავლის საფასურის გადახდის დამადასტურებელი საბუთი (სრული/ნაწილობრივი თვითდაფინანსებით სწავლის შემთხვევაში)

2. **სამაგისტრო საგანმანათლებლო პროგრამა.** სამაგისტრო საგანმანათლებლო პროგრამაზე (შემდგომში - სამაგისტრო პროგრამა) სწავლის უფლება აქვს არანაკლებ ბაკალავრის ან მასთან გათანაბრებული აკადემიური ხარისხის მქონე პირს (რეგულირებადი სამაგისტრო პროგრამის შემთხვევაში აუცილებელია შესაბამისი ბაკალავრის ან მათთან გათანაბრებული აკადემიური ხარისხი). უმაღლესი განათლების შესახებ საქართველოს კანონის თანახმად, მაგისტრატურაში სწავლის ერთ-ერთი მიზანია სპეციალობის შეცვლა (გარდა რეგულირებადი სამაგისტრო პროგრამისა), შესაბამისად ბნსუ არ ზღუდავს პირს თავად განსაზღვროს კონკრეტული სამაგისტრო პროგრამით სწავლის მიზანშეწონილობა (გაეცნოს შიდა გამოცდების საკითხებს, პროგრამის აღწერილობას, მიიღოს რეკომენდაციები მისი კვალიფიკაციის და პროგრამის სპეციფიკის გათვალისწინებით და სხვ.). სამაგისტრო პროგრამაზე ჩარიცხვა ხდება სამაგისტრო გამოცდის შედეგის (რანჟირების დოკუმენტის) საფუძველზე. საქართველოს კანონმდებლობით დადგენილი წესით ბნსუ-ს შიდა გამოცდებში მონაწილეობის უფლების მოპოვების შემდეგ მაგისტრანტობის კანდიდატი ვალდებულია მიმართოს ბნსუ-ს და ბნსუ-ს მიერ დადგენილ ვადაში გაიაროს პირველადი ადმინისტრაციული რეგისტრაცია (პირველი ეტაპი), რომლის ხანგრძლივობა არ შეიძლება იყოს მაგისტრანტობის კანდიდატთა რეგისტრაციის თაობაზე შესაბამისი აქტის ბნსუ-ს ვებგვერდზე გამოქვეყნებიდან 05 კალენდარულ დღეზე ნაკლები (სამუშაო დღეები: ორშაბათი-პარასკევი/შაბათი, 9⁰⁰ სთ-დან 18⁰⁰ სთ-მდე). ბნსუ-ში პირველადი ადმინისტრაციული რეგისტრაცია 2-ეტაპიანია: პირველ ეტაპზე - მისაღებ შიდა გამოცდებზე დაშვების მიზნით მაგისტრანტობის კანდიდატი ასევე სარეგისტრაციო განაცხადებსა და წარადგენს სავალდებულო დოკუმენტებს, რის შემდეგ შეძლებს ბნსუ-ს შიდა გამოცდებში მონაწილეობას. კანონმდებლობით დადგენილი წესით ბნსუ-ს სამაგისტრო პროგრამაზე ჩარიცხვის უფლების მოპოვების შემთხვევაში მაგისტრანტობის კანდიდატი გადის პირველადი ადმინისტრაციული რეგისტრაციის მეორე ეტაპს - წარადგენს ბნსუ-ს მიერ დადგენილი ოდენობით სწავლის საფასურის (სრული თვითდაფინანსებით სწავლის შემთხვევაში) ან ბნსუ-ს მიერ დადგენილ სწავლის საფასურსა და დოკუმენტურად დადასტურებულ დაფინანსებას შორის არსებული სხვაობის (ნაწილობრივი თვითდაფინანსებით სწავლის შემთხვევაში) გადახდის დამადასტურებელ დოკუმენტს. მაგისტრანტობის კანდიდატთა ჩარიცხვა შეიძლება მხოლოდ კანონმდებლობით დადგენილი წესით აღიარებული არანაკლებ ბაკალავრის ან მასთან გათანაბრებული უმაღლესი განათლების დამადასტურებელი დოკუმენტის (დიპლომის) და სამხედრო აღრიცხვას დაქვემდებარებული პირის მიერ სამხედრო აღრიცხვაზე ყოფნის დამადასტურებელი დოკუმენტის წარდგენის შემდეგ. სავალდებულოდ წარსადგენი დოკუმენტებია:

- სარეგისტრაციო განაცხადება (შეივსება საბუთების ჩაბარების დროს);
- პირადობის დამადასტურებელი დოკუმენტის (პირადობის მოწმობის/ID ბარათის) დედანი და ასლი (უცხო ქვეყნის მოქალაქე - პასპორტის/პირადობის მოწმობის ასლი და სანოტარო წესით დამოწმებული თარგმანის დედანი);
- 4 ფოტოსურათი 3x4 და ელ. ვერსია (CD/DVD დისკზე);
- სამხედრო აღრიცხვას დაქვემდებარებულმა პირებმა, საქართველოს მოქალაქეებმა - სამხედრო აღრიცხვაზე ყოფნის დამადასტურებელი დოკუმენტი (დედანი და ასლი);
- არანაკლებ ბაკალავრის ან მასთან გათანაბრებული აკადემიური ხარისხის დამადასტურებელი დოკუმენტი (დიპლომი) და დიპლომის დანართი (დედანი/სანოტარო წესით დამოწმებული ასლები). მაგისტრანტობის კანდიდატისგან (საქართველოს მოქალაქეები) დამოუკიდებელი ობიექტური გარემოების გამო დიპლომის და დიპლომის დანართის წარდგენის შეუძლებლობის შემთხვევაში წარსადგენია შესაბამისი უსდ-ის მიერ გაცემული და სატანადოდ დამოწმებული ცნობა მინიჭებული კვალიფიკაციის, პროგრამის კომპონენტების, მიღებული კრედიტების და შეფასებების მითითებით;
- სხვა ქვეყნის საგანმანათლებლო დაწესებულებაში განათლების მიღების შემთხვევაში - განათლების დამადასტურებელი

დოკუმენტის სანოტარო წესით დამოწმებული ქართულენოვანი თარგმანი და განათლების აღიარების დოკუმენტი (დედანი/სანოტარო წესით დამოწმებული ასლები);

- საზღვაო დარგის საბაკალავრო პროგრამის შემთხვევაში - სამედიცინო შემოწმების ფორმა # IV-100/ა (დედანი);
- სწავლის საფასურის გადახდის დამადასტურებელი საბუთი (სრული/ნაწილობრივი თვითდაფინანსებით სწავლის შემთხვევაში)

შიდა გამოცდა: სავალდებულოა გამოცდა შესაბამის სპეციალობაში, დამატებითი გამოცდა ტარდება უცხო ენაში/ენებში. უცხო ენაში გამოცდა არ უტარდება მაგისტრანტობის კანდიდატს, რომელსაც სამაგისტრო პროგრამაზე დაშვების წინაპირობებში მითითებულ დონეზე უცხო ენის ცოდნის ფლობა უდასტურდება: ა) საერთაშორისო სერტიფიკატ(ებ)ით (ინგლისური ენის შემთხვევაში - მაგ., ტოფელი (TOEFL PBT), ტოფელი (TOEFL IBT), ბრიტანეთის საბჭოს და კემბრიჯის უნივერსიტეტის ინგლისური ენის გამოცდები (IELTS), ბრიტანეთის საბჭოს და კემბრიჯის უნივერსიტეტის ინგლისური ენის გამოცდები (Cambridge Exam), კემბრიჯის უნივერსიტეტის (Cambridge ESOL Examination) და/ან სხვ.), შესაბამისი უფლებამოსილების მქონე საერთაშორისო/უცხოეთის/საქართველოში მოქმედი ორგანიზაციის/წარმომადგენლობის მიერ გაცემული დოკუმენტით, რომლითაც დგინდება/დასტურდება შესაბამის დონეზე ენის ფლობა - ამ შემთხვევაში უცხო ენის გამოცდაში ენიჭება მაქსიმალური ქულა; ბ) უსდ-ს მიერ გაცემული დიპლომის დანართით ან შესაბამისი უფლებამოსილი ორგანიზაციის/სხვ. მიერ გაცემული ცნობით/სხვ., რომელშიც მითითებულია ფლობის დონე და შეფასება - ამ შემთხვევაში უცხო ენის გამოცდაში ენიჭება დანართში/ცნობაში/სხვ. მითითებული შეფასების პროპორციული ქულა.

ბნსუ-ში შიდა გამოცდის ჩატარებისას მოქმედებს შემდეგი წესი: გამოცდაზე დაიშვებიან მხოლოდ რეგისტრაციაგავლილი მაგისტრანტობის კანდიდატები, გამოცდაზე დასაშვებად წარსადგენია პირადობის დამადასტურებელი დოკუმენტი; გამოცდაზე დასაშვებია მხოლოდ ნებადართული პირადი მოხმარების და პირების (წყალი, წამლები, ხელსახოცები, საწერი კალამი და სხვ.) ნივთების შემოტანა. აკრძალულია: გამოცდაზე დაგვიანება, არანებადართული ნივთების (სასწავლო მასალის/სახელმძღვანელოს, ნებისმიერი სახის ჩანაწერების, მობილური ტელეფონის, ნოუტბუქის, ყურსასმენების ან სხვა ხელსაწყოების) შეტანა ან გამოყენების მცდელობა, ქურთუკით, ქუდით ან თავსაბურავით შემოსვლა, დაწყებული გამოცდის უნებართოდ მიტოვება, საგამოცდო ფურცლის დაზიანება (მათ შორის, რაიმე სახის მინაწერის/წარწერის ან გრაფიკული გამოსახულების დატანა, რომელიც დაკავშირებული არ არის საგამოცდო დავალების შესრულებასთან), გაფრთხილების მიუხედავად წესრიგის დარღვევად მიჩნეული ქმედების (გადალაპარაკება, აუდიტორიაში სიარული, რაიმე ფორმით დახმარების გაწევა/მიღება, სხვა პირებისთვის ხელის შეშლა ან სხვ.) ჩადენა, გამოცდის ჩაშლის მცდელობა ან წესრიგის დარღვევად მიჩნეული სხვა ქმედების ჩადენა. გამოცდაზე დაგვიანების შემთხვევაში პირი კარგავს გამოცდაზე შესვლის უფლებას, გამოცდაზე წესების დარღვევის შემთხვევაში - გამოცდის დასრულების უფლებას. საგამოცდო ფურცლის დაზიანების შემთხვევაში არ მოხდება ნაშრომის შემოწმება. გამოცდაზე (თუნდაც საპატიო მიზეზით) გამოუცხადებლობის შემთხვევაში პირს არ აქვს უფლება მოითხოვოს დამატებითი გამოცდის დანიშვნა და ჩატარება. ბნსუ-ში გამოცდის დროის ლიმიტია დადგენილი. საგამოცდო ბილეთები წარმოდგენილია რამდენიმე ვარიანტის სახით, ბილეთები მოიცავენ იდენტური რაოდენობის და სირთულის საკითხებს/დავალებებს, რომლებიც ფასდება ქულებით. გამოცდის მაქსიმალური შემაჯამებელი ქულა მიიღება საგამოცდო ბილეთის ყველა საკითხზე სწორი პასუხის გაცემის/ყველა დავალების სწორად შესრულების შემთხვევაში (გამოცდა დაძლეულად ითვლება მაქსიმალური შესაძლო ქულიდან არანაკლებ 50%-ის მიღების შემთხვევაში). პირს, რომელიც არ ეთანხმება მიღებულ შეფასებას, შეუძლია ბნსუ-ს მიერ დადგენილ ვადაში გაასაჩივროს შედეგები. საჩივრებს განიხილავს ფაკულტეტის დეკანის გადაწყვეტილებით დარგის სპეციალისტებისგან შემქმნელი კომისია. პრეტენზიების წარდგენის პერიოდის ხანგრძლივობა, ბნსუ-ს მიერ განსაზღვრული გამოცდის შემდეგ ეცნობა დაინტერესებულ პირს პრეტენზიების მიღების ვადის დასრულებიდან არაუმეტეს 04 კალენდარულ დღეში. საერთო სამაგისტრო გამოცდის ტესტის ტიპისა და ბნსუ-ს შიდა გამოცდის შემდეგ გამოვლინდება ის მაგისტრანტობის კანდიდატი, რომელიც უფლებას მოიპოვებს სწავლა განაგრძოს ბნსუ-ს შესაბამისი საგანმანათლებლო პროგრამული მიმართულების საგანმანათლებლო პროგრამის მაგისტრატურაში (ბოლო ვაკანტურ ადგილზე გასული რამდენიმე თანაბარქულიანი მაგისტრანტობის კანდიდატების არსებობის შემთხვევაში - პირი, რომელსაც საერთო სამაგისტრო გამოცდაში აქვს მიღებული მეტი ქულა). საკითხები, რომლებიც არ არის გათვალისწინებული ამ წესში, რეგულირდება მოქმედი კანონმდებლობის შესაბამისად.

3. პროფესიული საგანმანათლებლო პროგრამა. ბნსუ-ს პროფესიული საგანმანათლებლო პროგრამაზე სწავლისთვის აუცილებელია კანონმდებლობით დადგენილი მოთხოვნების დაკმაყოფილება და ბნსუ-ს მიერ განსაზღვრულ ვადებში სავალდებულოა პირველადი ადმინისტრაციული რეგისტრაციის გავლა (სამუშაო დღეები: ორშაბათი-პარასკევი/შაბათი, 9⁰⁰ სთ-დან 18⁰⁰ სთ-მდე), სავალდებულო დოკუმენტების წარდგენა და ტესტირების (არსებობის შემთხვევაში) დაძლევა. ტესტირების არსებობის შემთხვევაში - ბნსუ-ში პირველადი ადმინისტრაციული რეგისტრაცია 2-ეტაპიანია: პირველ ეტაპზე - პირი ავსებს სარეგისტრაციო განცხადებას და წარადგენს სავალდებულო დოკუმენტებს, რის შემდეგ შედგება ბნსუ-ს ტესტირებაში (არსებობის შემთხვევაში) მონაწილეობა; ტესტირების დაძლევის შემთხვევაში პირი გადის პირველადი ადმინისტრაციული რეგისტრაციის მეორე ეტაპს - წარადგენს ბნსუ-ს მიერ დადგენილი ოდენობით სწავლის საფასურის (სრული თვითდაფინანსებით სწავლის შემთხვევაში) ან ბნსუ-ს მიერ დადგენილ სწავლის საფასურსა და დოკუმენტურად დადასტურებულ დაფინანსებას შორის არსებული სხვაობის (ნაწილობრივი თვითდაფინანსებით სწავლის შემთხვევაში) გადახდის დამადასტურებელ დოკუმენტს. ჩარიცხვა შეიძლება მხოლოდ კანონმდებლობით დადგენილი წესით აღიარებული განათლების დამადასტურებელი დოკუმენტის და სამხედრო აღრიცხვას დაქვემდებარებული პირის მიერ სამხედრო აღრიცხვაზე ყოფნის დამადასტურებელი დოკუმენტის წარდგენის შემდეგ. სავალდებულოდ წარსადგენი დოკუმენტებია:

- სარეგისტრაციო განცხადება (შეივსება საბუთების ჩაბარების დროს);
- პირადობის დამადასტურებელი დოკუმენტის (პირადობის მოწმობის/ID ბარათის) დედანი და ასლი (უცხო ქვეყნის მოქალაქე - პასპორტის/პირადობის მოწმობის ასლი და სანოტარო წესით დამოწმებული თარგმანის დედანი);
- 4 ფოტოსურათი 3x4 და ელ. ვერსია (CD/DVD დისკზე);
- სამხედრო აღრიცხვას დაქვემდებარებულმა პირებმა, საქართველოს მოქალაქეებმა - სამხედრო აღრიცხვაზე ყოფნის დამადასტურებელი დოკუმენტი (დედანი და ასლი);
- კანონმდებლობით პროფესიული პროგრამის კონკრეტული საფეხურისთვის დადგენილის შესაბამისად: 1) ზოგადი განათლების არანაკლებ საბაზო საფეხურის დაძლევის დამადასტურებელი დოკუმენტი (დედანი/სანოტარო წესით დამოწმებული ასლი) ან განათლების დამადასტურებელი ის დოკუმენტი (დედანი/სანოტარო წესით დამოწმებული ასლი), რომლის მიღებაც შეუძლებელი იქნებოდა ზოგადი განათლების საბაზო საფეხურის დაძლევის გარეშე, და წინა საფეხურის არსებობის შემთხვევაში - პროფესიული დიპლომი (დედანი/სანოტარო წესით დამოწმებული ასლი); ან 2) სრული ზოგადი განათლების დაძლევის დამადასტურებელი დოკუმენტი (დედანი/სანოტარო წესით დამოწმებული ასლი) ან განათლების დამადასტურებელი ის დოკუმენტი (დედანი/სანოტარო წესით დამოწმებული ასლი), რომლის მიღებაც შეუძლებელი

იქნებოდა სრული ზოგადი განათლების მიღების გარეშე, და წინა საფეხურის (არსებობის შემთხვევაში) პროფესიული დიპლომის დედანი და ასლი;

- სხვა ქვეყნის საგანმანათლებლო დაწესებულებაში განათლების მიღების შემთხვევაში - განათლების დამადასტურებელი დოკუმენტის სანოტარო წესით დამოწმებული ქართულენოვანი თარგმანი და განათლების აღიარების დოკუმენტი (დედანი/სანოტარო წესით დამოწმებული ასლები);
- საზღვაო დარგის პროგრამის შემთხვევაში - სამედიცინო შემოწმების ფორმა # IV-100/ა (დედანი);
- სწავლის საფასურის გადახდის დამადასტურებელი საბუთი (სრული/ნაწილობრივი თვითდაფინანსებით სწავლის შემთხვევაში)